

PATRIARCHATUS ALEXANDRINI.

271

citur apud D. Athanasium in Epist. ad Antioch. & *Isaac* Elearchiæ Præsul Concilio Ephesino subscripsit.

DIOSPOLIS dictæ Notitiæ. *Apollonius* Episcopus hujus forte Diospoleos Concil. Constantinop. generali 5. interfuit.

¹ SEBENNYTHUS Ptol. ibid. & Notitiæ. *Ausonius* Episcopus Sebennythi dicitur in Concilio Chalcedonenfi.

² CYNUS dictæ Notitiæ, & Straboni lib. 17. in Busrítica Præfectura. *Sergius* Episcopus Cyni, seu Cynopoleos Concilio Constantinopolitano generali 5. interfuit, & *Philumenus* Chalcedonenfi.

BUSYRIS Ptol. ibid. vulgò *Bosirè*. *Hermeon* in Cyno & Busride Episcopus apud D. Athanasium in Breviario Meletii legitur, & *Athanasius* in Concilio Chalcedonenfi.

³ PARALUS dictæ Notitiæ antiquæ, *Paralium* libro Conciliorum. *Athanasius* Episcopus Paralii Concilio Ephesino inter Ægypti Episcopos numeratur.

⁴ XOES Ptolem. ibid. dictæque Notitiæ. *Macedonius* Episcopus Xoensis Concilio Ephesino interfuit.

BUTUS Ptolem. ibid. ⁵ *Ammon* Buti Episcopus subscripsit Concilio Ephesino.

PROVINCIA ARCADIÆ.

OXYRYNCUS Ptol. lib. 4. cap. 5. Metropolis Arcadiæ in Notitia antiqua Græca dicitur. *Dorotheus* Episcopus Oxyrynchi subscripsit Concilio Constantinop. primo, & *Petrus* Ephesino.

⁶ HERACLEA superior Ptol. ibid. dictæque Notitiæ. *Heraclides*, qui in actibus Ephesinis legitur, hujus fortè Antistes erat.

ARSINOE Ptolem. ibid. quæ & civitas Crocodilorum. D. Athanasius *Andream* hujus Episcopum habet in Epistola ad Antiochenes, & *Calosirius* Arsinoës in Concilio Chalcedonenfi legitur.

THEODOSIOPOLIS dictæ Notitiæ, quæ & Theodosiana Tom. 2. Conciliorum. *Soter* Theodosianæ Episcopus dicitur in actis Conc. Chalcedonenfis, & subscripsit pro Episcopo Arsinoës.

APHRODITOPOLIS Ptol. ibid. *Chrisaorius* Aphroditopoleos Episcopus dicitur in Concilio Chalcedonenfi.

MEMPHIS Ptol. ibid. vulgò *Cairo*. *Antiochi* Mempheos Episcopi meminit Concilium Nicænum.

⁷ CLISMA Ptol. ibid. *Stephanus* Episcopus Clismatis Concilio Constantinopolitano generali quinto subscripsit.

⁸ NILOPOLIS Ptolem. ibid. Nilus D. Athanasio, qui *Theonem* Episcopum Nili habet in Breviario Meletii, & *Eusebius* ejusdem sedis Antistes subscripsit Concilio Ephesino.

⁹ PARALLUS dictæ Notitiæ. *Pasmeius* Paralli Antistes inter Ægypti Episcopos in Concilio Chalcedonenfi reperitur.

¹ THA-

NOTÆ LUCE HOLSTENII.

¹ *Sebennythus*] Sebennythus &c. Paulus subscripsit Synodicæ Gennadii P. CP.

² *Cynus* &c.] Ad Æglonem Cynopoleos Episcopum Epistolam contra Arrianos scripsit Alexander Papa Alexandrinus, quam citat S. Maximus in MS. Vatic. 508. pag. 207.

³ *Paralus* Not. antiq.] Hierocli Παράλιος &c. Pasmeius Parali Episcopus adfuit Latrocinio Ephesino Act. 1. Concil. Chalced. Sic Codices Græci & Latini, etiam MSS. optimi habent.

⁴ *Xoes*] Xois &c. [*Macedon*. &c. Conc. Eph. interfuit.] & Athanasius Xoitarum Episcopus subscripsit Synodicæ Gennadii tom. 1. Juris Græc. Rom.

⁵ *Ammon* &c. Conc. Ephes.] & Theonas dictæ Synodicæ Gennadii.

⁶ *Heraclea*] Ηρακλέας Hierocli; & sic in Actis Ephesini Latrocinii Heraclides Ηρακλέας.

⁷ *Clisma* Ptol. ibid.] Hierocli, aliisque Clyfma, & Athanasio ad Solitarios pag. 858. [*Steph.* &c. Conc. Const. gener. v. subsc.] & Pæmen Synodicæ Gennadii P. CP. tom. 1. Juris Græc. Rom.

⁸ *Nilopolis* &c.] Chæremon Nilopoleos Episcopus, cujus martyrium ex B. Dionysii Alexandrini Epistola recenset Eusebius Hist. Eccles. l. 6. c. 42. gr.

⁹ *Parallus*] supra hac eadem pag.